



ন্যূনতম



নির্বাচন কমিশন ঢাকা পল্লী বিদ্যুৎ সমিতি-৩

পেভা, সাভার, ঢাকা।

ঢাকা পল্লী বিদ্যুৎ সমিতি-৩ এর এলাকা নং- ০১, ০২ ও ০৬ এর এলাকা পরিচালক নির্বাচন সম্পর্কে গ্রাহক-সদস্যদের জন্য

জ্ঞাতব্য বিজ্ঞপ্তি

০১। এলাকা পরিচালক পদে নির্বাচন সূচী :

ঢাকা পল্লী বিদ্যুৎ সমিতি-৩ এর বাইল অনুযায়ী ০১, ০২ এবং ০৬ এর এলাকার এলাকা পরিচালক পদে নির্বাচনের ভোট গ্রহণ নিম্নবর্ণিত সময় সূচী অনুযায়ী অনুষ্ঠিত হইবে :

এলাকা নং	আওতাভুক্ত ইউনিয়ন/ওয়ার্ড/এলাকা	উপজেলা	পরিচালকের মেয়াদকাল	ভোট কেন্দ্র	ভোট গ্রহণের তারিখ ও বার	ভোট গ্রহণের সময়
০১	০২	০৩	০৪	০৫	০৬	০৭
০১	ডাকুর্তা ইউনিয়ন, আমিন বাজার ইউনিয়ন, কাউদ্দিয়া ইউনিয়ন, বনগ্রাম ইউনিয়ন, কেরানীগঞ্জ উপজেলার হযরতপুর ইউনিয়নের ০২টি গ্রাম (কানাচর ও কদমতলী), তেতুলঝোড়া ইউনিয়নের ১২টি গ্রাম (হেমায়েতপুর, বাগবাড়ী, মেইটকা, শ্যামপুরি, জয়নাবাড়ী, পূর্বহাটি, বাউচর, তেতুলঝোড়া, যাদুরচর, মধুরচর, নিমেরটেক ও হরিগধরা)।	সাভার	এলাকা পরিচালকের পদ শূন্য হওয়ার কোন কারণ না ঘটিলে ৩ বৎসর বা নির্বাচনী ফলাফল ঘোষণার ৩য় বার্ষিক সদস্য সভা যাহা আগে ঘটবে।	হেমায়েতপুর উচ্চ বিদ্যালয়, সাভার।	১২/০২/২০২২ খ্রিঃ, শনিবার	সকাল ১০.০০ ঘটিকা হইতে বিকাল ৪.০০ ঘটিকা পর্যন্ত।
০২	তেতুলঝোড়া ইউনিয়নের ১৭টি গ্রাম (পানপাড়া, নয়াপাড়া, হারাননগর, মুসলিমপাড়া, রাজাঘাট, খাত্রাপাড়া, বালিঘাট, ডরারী, কেষ্টনগর, ঋষিপাড়া, কুটিবাড়ী, ভাওয়ালিপাড়া, শোভাপুর, নগরচর, ফুলবাড়ীয়া, তরফরাজাঘাট ও রামচন্দ্রপুর) +সাভার পৌরসভা (০৪+০৫+০৬+০৯নং ওয়ার্ড)।	সাভার	এলাকা পরিচালকের পদ শূন্য হওয়ার কোন কারণ না ঘটিলে ৩ বৎসর বা নির্বাচনী ফলাফল ঘোষণার ৩য় বার্ষিক সদস্য সভা যাহা আগে ঘটবে।	অধরচন্দ্র সরকারী উচ্চ বিদ্যালয়, সাভার।	১৩/০২/২০২২ খ্রিঃ, রবিবার	সকাল ১০.০০ ঘটিকা হইতে বিকাল ৪.০০ ঘটিকা পর্যন্ত।
০৬	নান্নার ইউনিয়ন, রোয়াইল ইউনিয়ন, সুয়াপুর ইউনিয়ন, কুল্লা ইউনিয়ন, সুতিপাড়া ইউনিয়ন, ও মানিকগঞ্জ সদর উপজেলার আটহাম ইউনিয়নের কোষ্টহাম।	ধামরাই	এলাকা পরিচালকের পদ শূন্য হওয়ার কোন কারণ না ঘটিলে ৩ বৎসর বা নির্বাচনী ফলাফল ঘোষণার ৩য় বার্ষিক সদস্য সভা যাহা আগে ঘটবে।	সুয়াপুর নান্নার স্কুল এন্ড কলেজ, সুয়াপুর, ধামরাই।	১৪/০২/২০২২ খ্রিঃ, সোমবার	সকাল ১০.০০ ঘটিকা হইতে বিকাল ৪.০০ ঘটিকা পর্যন্ত।

বাংলাদেশ পল্লী বিদ্যুতায়ন বোর্ডের বাইল ১৯৭৮ এবং সমিতির বাইল আর্টিক্যাল ০৮ এর ০২ ও ০৩ ধারা অনুযায়ী সমিতির উপরোল্লিখিত এলাকার বৈধ গ্রাহক সদস্যগণের প্রত্যক্ষ ভোটে তাঁহাদের মধ্য হইতে এলাকা ভিত্তিক পৃথক-পৃথক নির্বাচনের মাধ্যমে এলাকা পরিচালক নির্বাচিত হইবেন।

৭.২৫" X ২.৫" (১/৪)

০২। কে পরিচালক পদে প্রার্থী হইতে পারিবেন :

- (ক) যে এলাকায় নির্বাচন অনুষ্ঠিত হইবে, সেই এলাকায় স্থায়ীভাবে বসবাসকারী;
- (খ) যে গ্রাহক-সদস্যের নাম নির্বাচন উপলক্ষে প্রকাশিত ভোটার তালিকায় অন্তর্ভুক্ত হইয়াছে;
- (গ) যিনি সমিতির সংশ্লিষ্ট এলাকার গ্রাহক-সদস্য হিসাবে সমিতি হইতে সদস্য সার্টিফিকেট প্রাপ্ত হইয়াছেন, নিয়মিত বিদ্যুৎ বিল পরিশোধ করিয়াছেন, পিডিবি/ডেসা এর নিকট হইতে অধিগ্রহণকৃত গ্রাহক-সদস্যগণ তাঁহাদের সকল প্রকার বকেয়া (পবিস/পিডিবি/ডেসা) পরিশোধ করিয়াছেন (এমনকি অনুমোদিত কিন্তু থাকিলেও সকল অনুমোদিত কিন্তু একবারে পরিশোধ করিয়াছেন এবং যাহারা বার্ষিক সদস্য সভার ৯০ দিন পূর্বে অর্থাৎ ০৫/১২/২০২১খ্রিঃ অথবা তৎপূর্বে সমদয় বিদ্যুৎ বিল পরিশোধ করিয়াছেন) এবং যাহার বিধি সম্মত করণে সদস্য পদ বাতিল করা হয় নাই। উল্লেখ্য যে, একক মালিকানাধীন প্রতিষ্ঠান ব্যতিত অন্য কোন প্রতিষ্ঠানের মনোনীত প্রতিনিধি পরিচালক পদ প্রার্থী হইতে পারিবেন না;
- (ঘ) যাহার শিক্ষাগত যোগ্যতা কমপক্ষে এস.এস. সি বা সমমানের। সমমান সম্পর্কে কোন প্রশ্ন দেখা দিলে বিষয়টির উপর নির্বাচন কমিশনের সিদ্ধান্তই চূড়ান্ত বলিয়া গণ্য হইবে;
- (ঙ) মনোনয়নের জন্য আবেদন পত্র জমা প্রদানের তারিখে যাহার বয়স ২৫ (পঁচিশ) হইতে ৬৫ (পঁয়ষট্টি) বৎসরের মধ্যে। বয়সের প্রমাণ পত্র হিসাবে মনোনয়ন আবেদন পত্রের সহিত এস. এস. সি অথবা সমমানের পরীক্ষা পাশের মূল সার্টিফিকেট এর সত্যায়িত ফটোকপি জমা প্রদান করিতে হইবে। প্রশংসা পত্র অথবা অন্য কোন প্রমাণ পত্র গ্রহণযোগ্য বলিয়া বিবেচিত হইবে না। বয়সের ব্যাপারে কোন এক্সিডেভিট গ্রহণযোগ্য নহে;
- (চ) বার্ষিক সদস্য সভার ৯০ (নব্বই) দিন পূর্ব পর্যন্ত সংযোগ গ্রহণকারী গ্রাহক - সদস্যগণ।

০৩। যে এলাকায় নির্বাচন অনুষ্ঠিত হইবে সেই এলাকায় বর্তমান পরিচালক পুনরায় প্রার্থী হইতে পারিবেন কি ?

সমিতির বাইল মোতাবেক পরিচালক প্রার্থীর সকল যোগ্যতা থাকিলে পরিচালকের মেয়াদ কাল শেষ হইতেছে এমন পরিচালক পুনরায় পরিচালক পদে নির্বাচনের প্রার্থী হইতে পারিবেন।

০৪। যে সকল কারণে পরিচালক পদপ্রার্থী অযোগ্য হিসাবে বিবেচিত হইবেন :

- (ক) যিনি বাংলাদেশ পল্লী বিদ্যুতায়ন বোর্ড/সমিতি বোর্ড কর্তৃক সমিতির পরিচালক পদ হইতে অপসারিত (Remove) বা অব্যাহতি প্রাপ্ত (Relieved) হইয়াছেন ;
- (খ) যিনি নৈতিক অবক্ষয়জনিত কারণে আদালত কর্তৃক দণ্ডপ্রাপ্ত হইয়াছেন ;
- (গ) যিনি বাংলাদেশ পল্লী বিদ্যুতায়ন বোর্ড, পল্লী বিদ্যুৎ সমিতি, সমিতি বোর্ড বা কোন সরকারী, আধা-সরকারী, স্বায়ত্বশাসিত প্রতিষ্ঠানের চাকুরী হইতে বরখাস্ত বা অপসারিত বা অব্যাহতি প্রাপ্ত হইয়াছেন ;
- (ঘ) যিনি একই নামে একাধিক সংযোগ গ্রহণ করিয়া বার্ষিক সদস্য সভার ৯০ দিন পূর্বে সকল সংযোগের বিপরীতে এমনকি পিডিবি/ডেসার (অধিগ্রহণকৃত গ্রাহক - সদস্যদের ক্ষেত্রে) পরিশোধযোগ্য সকল বিল পরিশোধ করেন নাই ;
- (ঙ) যিনি কোন রাজনৈতিক দল / সংস্থায় কোন পদে (Office Bearer) নিয়োজিত আছেন ;
- (চ) যিনি কোন স্থানীয় সরকারী সংস্থায় বেতন / ভাতাদি প্রাপ্ত পদে নিয়োজিত আছেন ;
- (ছ) যিনি কোন সরকারী বা আধা-সরকারী মালিকানাধীন প্রতিষ্ঠানে চাকুরীরত আছেন ;
- (জ) যিনি ঢাকা পল্লী বিদ্যুৎ সমিতি-৩ অথবা বাংলাদেশ পল্লী বিদ্যুতায়ন বোর্ডের সাথে বিদ্যুৎ বা বৈদ্যুতিক সরঞ্জামাদি ব্যবসায় নিয়োজিত বা যে কোন প্রকারে আর্থিকভাবে সম্পৃক্ত কিংবা সমিতির সহিত গ্রাহকদের বৈদ্যুতিক বা প্রাথমিক যন্ত্রপাতির ব্যবসায় নিয়োজিত আছেন বা পবিসের লাইসেন্স/ওয়ার্ক পারমিট - এর আওতায় সমিতির গ্রাহক/গ্রাহক - সদস্যদের হাউজ ওয়্যারিং কাজে নিয়োজিত ছিলেন/আছেন;
- (ঝ) যিনি পবিস বাইল এর আর্টিকেল-৫ এর সেকশন ৭ এর উপ-ধারা (G)(i), (G)(ii), (G)(iii) এবং (G)(v) অনুযায়ী (উদ্দেশ্য প্রণোদিত/অসং উদ্দেশ্যে পবিস এর সম্পত্তি বা সাজ-সরঞ্জাম ক্ষতিগ্রস্ত করিবার, বিদ্যুৎ শক্তি ড্রাইনিকে চালিত/চুরি করিবার, বৈদ্যুতিক মিটার/সাজ-সরঞ্জাম টেম্পারিং করিবার, দাপ্তরিক কাজে পবিস এর কর্মকর্তা/কর্মচারী বা তাহার উপর নির্ভরশীল বা সম্পৃক্ত কোন ব্যক্তিকে ভয় প্রদর্শন করিবার, শারীরিক ভাবে লাঞ্চিত করিবার কারণে) সদস্যপদ বাতিল যোগ্য ধারার আওতাভুক্ত কিন্তু পরবর্তীতে উক্ত কারন নিরসন পূর্বক সমিতি বোর্ড কর্তৃক সদস্যপদ পুনঃবহাল না করা হইলে।
- (ঞ) যিনি চুক্তিভিত্তিক কোন পল্লী বিদ্যুৎ সমিতিতে চাকুরীরত ছিলেন।
- (ট) যিনি ঢাকা পল্লী বিদ্যুৎ সমিতি-৩ এর সমিতি বোর্ডে এলাকা পরিচালক/মহিলা পরিচালক হিসাবে ০৩ (তিন) মেয়াদ কাল (Three terms) দায়িত্ব পালন করিয়াছেন।

০৫। নির্বাচনের জন্য মনোনয়ন পত্রের ফর্ম সংগ্রহ ও বিতরণ পদ্ধতিঃ

এলাকা পরিচালক পদের নির্বাচনে অংশ গ্রহণে ইচ্ছুক প্রার্থী "মনোনয়ন ফর্ম" এর মূল্য বাবদ ঢাকা পল্লী বিদ্যুৎ সমিতি-৩ এর সদর দপ্তর ক্যাশ কাউন্টারে ৫০০.০০ (পাঁচ শত) টাকা (অফেরৎযোগ্য) জমা প্রদান পূর্বক প্রাপ্ত মূল রশিদ এবং প্রার্থীর এস.এস.সি অথবা সমমানের পরীক্ষা পাশের মূল সনদপত্র প্রদর্শন সাপেক্ষে ঢাকা পল্লী বিদ্যুৎ সমিতি-৩ এর সদর দপ্তরে অবস্থানরত নির্বাচন কমিশন সদস্যের নিকট হইতে ০২/০১/২০২২খ্রিঃ তারিখ রোজ রবিবার এবং ০৩/০১/২০২২ খ্রিঃ তারিখ রোজ সোমবার প্রতিদিন সকাল ৯.০০ ঘটিকা হইতে বিকাল ৪.০০ ঘটিকা পর্যন্ত মনোনয়ন পত্রের ফর্ম ০১ (এক) সেটসহ নিজ এলাকার ভোটার তালিকা (যে তালিকায় ৯০ দিন পূর্বে গ্রাহকগণ বিল পরিশোধ করিয়া অথবা সংযোগ গ্রহণ করিয়া ভোটার হইয়াছেন) ও নির্বাচন সংক্রান্ত জ্ঞাতব্য বিজ্ঞপ্তি সংগ্রহ করিতে পারিবেন।

০৬। মনোনয়ন পত্র দাখিলের তারিখ ও সময় :

ঢাকা পল্লী বিদ্যুৎ সমিতি-৩ এর সদর দপ্তরে নির্বাচন কমিশন প্রধান অথবা তাহার মনোনীত প্রতিনিধির নিকট ০৫/০১/২০২২খ্রিঃ তারিখ রোজ বুধবার সকাল ৯.০০ ঘটিকা হইতে বিকাল ৪.০০ ঘটিকা পর্যন্ত মনোনয়নপত্র দাখিল করা যাইবে।

০৭। কিভাবে পরিচালক পদ প্রার্থীগণ মনোনয়নপত্র দাখিল করিবেন :

পরিচালক পদে নির্বাচনের প্রার্থী হিসাবে অংশগ্রহণের জন্য যে সকল এলাকার পরিচালক পদে নির্বাচন অনুষ্ঠিত হইবে সেই সকল এলাকার স্থায়ীভাবে বসবাসকারী (স্থায়ীভাবে বসবাসের ক্ষেত্রে সংশ্লিষ্ট ইউনিয়ন পরিষদের চেয়ারম্যান / পৌরসভার চেয়ারম্যান কর্তৃক প্রদত্ত জাতীয়তা সনদপত্র দ্বারা সমর্থিত) বৈধ গ্রাহক-সদস্য বাংলাদেশ পল্লী বিদ্যুতায়ন বোর্ডের বাইল (সর্বশেষ সংশোধিত) এর ০৮ নং অনুচ্ছেদ এবং সমিতির বাইল এর আর্টিক্যাল-০৮ অনুযায়ী সমিতির নির্ধারিত মনোনয়নের আবেদনপত্র পূরণ এবং উহার প্রতি পাতায় দস্তখত করতঃ ০১ (এক) জন বৈধ গ্রাহক-সদস্য (ভোটার তালিকাভুক্ত) কর্তৃক প্রস্তাব এবং অপর ০২ (দুই) জন বৈধ গ্রাহক-সদস্য (ভোটার তালিকাভুক্ত) কর্তৃক সমর্থন সূচক স্বাক্ষর গ্রহণপূর্বক নির্বাচন কমিশন প্রধান অথবা তাঁহার মনোনীত প্রতিনিধির নিকট মনোনয়ন পত্র দাখিলের জন্য ঘোষিত তারিখ ও সময়ের মধ্যে মনোনয়ন পত্র দাখিল করিতে পারিবেন। উল্লেখ্য, মনোনয়ন পত্র দাখিল করিবার সময় প্রার্থী, প্রস্তাবক ও সমর্থকদ্বয়কে ব্যক্তিগতভাবে উপস্থিত থাকিতে হইবে এবং প্রস্তাবক ও সমর্থকদ্বয়কে এই মর্মে অঙ্গীকারনামা প্রদান করিতে হইবে যে, তাঁহারা অন্য কোন এলাকা পরিচালক পদপ্রার্থীর জন্য প্রস্তাব এবং সমর্থন করেন নাই। আরো উল্লেখ্য যে, প্রার্থী, প্রস্তাবক ও সমর্থকদ্বয়কে মনোনয়ন আবেদন পত্রের সহিত এই মর্মে অঙ্গীকারনামা প্রদান করিতে হইবে যে, তাহার / তাহাদের নিজ নামে একাধিক সংযোগ থাকিলে সকল সংযোগের বিপরীতে সকল বিদ্যুৎ বিল পরিশোধ করা হইয়াছে।

ভোটার তালিকায় নাম থাকিলেও কোন পরিচালক পদ প্রার্থী তার নিজের এবং তার প্রস্তাবক ও সমর্থকদের নামে গৃহীত বা বিদ্যমান সকল সংযোগের বিপরীতে বার্ষিক সদস্য সভার পূর্ববর্তী ৯০ (নব্বই) দিন পূর্বের সকল বিদ্যুৎ বিল পরিশোধের প্রত্যয়ন না থাকিলে বা মনোনয়ন আবেদন পত্র বাছাইকালে এরূপ বিল পরিশোধ করার তথ্য / প্রমাণ না থাকিলে প্রার্থীর মনোনয়ন আবেদন পত্র বাতিল বালিয়া গণ্য হইবে।

০৮। মনোনয়নপত্র বাছাই ও বৈধ প্রার্থীদের প্রাথমিক তালিকা প্রকাশ :

০৮/০১/২০২২ খ্রিঃ তারিখ রোজ শনিবার বিকাল ৪.০০ ঘটিকার মধ্যে বৈধ প্রার্থীদের প্রাথমিক তালিকা সমিতির সদর দপ্তরে প্রকাশ করা হইবে।

০৯। মনোনয়নপত্র প্রত্যাহারের শেষ তারিখ ও সময় :

১১/০১/২০২২ খ্রিঃ তারিখ রোজ মঙ্গলবার দুপুর ১২.০০ ঘটিকার মধ্যে মনোনয়নপত্র প্রত্যাহার করা যাইবে।

১০। মনোনয়ন এর আবেদন চূড়ান্তকরণ, চূড়ান্ত প্রার্থী তালিকা প্রকাশ ও প্রতীক বন্টন :

১৮/০১/২০২২ খ্রিঃ তারিখ রোজ মঙ্গলবার বিকাল ৪.০০ ঘটিকায় সমিতি সদর দপ্তরে নোটিশ বোর্ডে প্রতীকসহ চূড়ান্ত প্রার্থী তালিকা প্রকাশ করা হইবে।

১১। যে সকল গ্রাহক-সদস্য ভোট দিতে পারিবেন :

(ক) যে সকল গ্রাহক-সদস্যের নাম চূড়ান্ত ভোটার তালিকায় অন্তর্ভুক্ত হইয়াছেন তাহারা নিম্নোক্ত বিষয়াবলী প্রতিপালন পূর্বক ভোট দিতে পারিবেন।

(খ) সমিতির বাইল আর্টিক্যাল ৫ এ বর্ণিত বৈধ গ্রাহক-সদস্য যিনি সমিতির সভাপতি ও সচিব কর্তৃক স্বাক্ষরিত সমিতির বাইল সিডিউল -১ ফরম 'খ' এর সদস্য সার্টিফিকেট প্রাপ্ত হইয়াছেন, তিনি নিজ এলাকায় পরিচালক নির্বাচনে ভোট দিতে পারিবেন। তবে বিধি-সম্মত কারণে কোন গ্রাহক-সদস্য এর সদস্য পদ বাতিল হইলে তাহার সার্টিফিকেট থাকিলেও তিনি ভোট দিতে পারিবেন না।

(গ) বার্ষিক সদস্য সভার ৯০ (নব্বই) দিন পূর্বে অর্থাৎ ০৫/১২/২০২১ খ্রিঃ তারিখ রোজ রবিবার পর্যন্ত যে সকল গ্রাহক-সদস্য ততসময়ে পরিশোধযোগ্য সকল বিদ্যুৎ বিল (যে সকল বিল জরিমানাসহ পরিশোধের সময়-সীমা উত্তীর্ণ হইয়াছে) পরিশোধ করিবেন (৯০ দিন হিসেবে বিল পরিশোধের সর্বশেষ তারিখ সাপ্তাহিক ছুটি বা অন্য কোন সরকারী ছুটির কারণে উক্ত বিল পরবর্তী কার্যদিবসে পরিশোধকারীগণেরও নাম ভোটার তালিকায় অন্তর্ভুক্ত করা হইবে)। উল্লেখিত ৯০ (নব্বই) দিন পূর্বে যাহারা খেলাপী গ্রাহক চিহ্নিত হইবেন তাহারা বার্ষিক সদস্য সভার ৪৫ (পঁয়তাল্লিশ) দিন পূর্বে অর্থাৎ ১৮/০১/২০২২ খ্রিঃ তারিখ রোজ মঙ্গলবার মধ্যে সমুদয় বকেয়া বিল (যে সকল বিল জরিমানাসহ পরিশোধের সময়-সীমা উত্তীর্ণ হইয়াছে) পরিশোধ করিলে তাহারাও ভোট দিতে পারিবেন। কিন্তু নির্বাচনে প্রতিদ্বন্দ্বিতা করিতে পারিবেন না।

(ঘ) বার্ষিক সদস্য সভার ৯০ (নব্বই) দিন পূর্ব পর্যন্ত সংযোগ গ্রহণকারী গ্রাহক-সদস্যগণ ভোট প্রদান করিতে পারিবেন।

১২। ভোটার তালিকা প্রকাশ ও সংশোধনঃ

ক) বার্ষিক সদস্য সভার ৯০ (নব্বই) দিন পূর্বে বিল পরিশোধকারী / সংযোগ গ্রহণকারী গ্রাহকগণের ভোটার তালিকা :

১৯/১২/২০২১ খ্রিঃ তারিখ রোজ রবিবার বিকাল ৪.০০ ঘটিকায় সমিতির সদর দপ্তরসহ যে সমস্ত এলাকায় নির্বাচন হইবে সেই সব এলাকার সংশ্লিষ্ট জোনাল অফিস, এরিয়া অফিস ও অভিযোগ কেন্দ্র ছাড়াও গুরুত্বপূর্ণ সরকারী অফিসের নোটিশ বোর্ডের মাধ্যমে ০১, ০২ এবং ০৬ নং এলাকা সমূহের প্রাথমিক ভোটার তালিকা প্রকাশ করা হইবে। ভোটার তালিকার ব্যাপারে কাহারও কোন আপত্তি থাকিলে বা বৈধ গ্রাহক ভোটার তালিকা হইতে বাদ পড়িলে অথবা অন্য কোন সংশোধনীর দরকার থাকিলে তাহা প্রয়োজনীয় তথ্য ও প্রমাণাদিসহ ২৭/১২/২০২১ খ্রিঃ রোজ সোমবার বিকাল ৪.০০ ঘটিকা পর্যন্ত সমিতির প্রধান কার্যালয়ে সমিতির সিনিয়র জেনারেল ম্যানেজারের নিকট লিখিত আবেদন করিতে হইবে। ৩০/১২/২০২১ খ্রিঃ রোজ বৃহস্পতিবার চূড়ান্ত ভোটার তালিকা বর্ণিত নোটিশ বোর্ড সমূহে বিকাল ৪.০০ ঘটিকার সময় প্রকাশ করা হইবে।

খ) বার্ষিক সদস্য সভার ৪৫ (পঁয়তাল্লিশ) দিন পূর্বে পরিশোধকৃত খেলাপী গ্রাহকগণের ভোটার তালিকা :

২৭/০১/২০২২ খ্রিঃ তারিখ রোজ বৃহস্পতিবার বিকাল ৪.০০ ঘটিকায় সমিতির সদর দপ্তরসহ যে সমস্ত এলাকায় নির্বাচন অনুষ্ঠিত হইবে সেই সব এলাকার সংশ্লিষ্ট জোনাল অফিস, এরিয়া অফিস ও অভিযোগ কেন্দ্র ছাড়াও গুরুত্বপূর্ণ সরকারী অফিসের নোটিশ বোর্ডের মাধ্যমে ০১, ০২ এবং ০৬ নং এলাকা সমূহের বৈধ গ্রাহক-সদস্য যাহারা ৯০ (নব্বই) দিন পূর্বে বিল পরিশোধে ব্যর্থ হইয়াছেন কিন্তু বার্ষিক সদস্য সভার ৪৫ (পঁয়তাল্লিশ) দিন পূর্বে অর্থাৎ ১৮/০১/২০২২ খ্রিঃ তারিখের মধ্যে পরিশোধ করিয়াছেন তাহাদের প্রাথমিক ভোটার তালিকা প্রকাশ করা হইবে।

উক্ত ভোটার তালিকার ব্যাপারে কাহারও কোন আপত্তি থাকিলে বা বৈধ গ্রাহক ভোটার তালিকা হইতে বাদ পড়িলে অথবা অন্য কোন সংশোধনীর দরকার থাকিলে তাহা প্রয়োজনীয় তথ্য ও প্রমাণাদিসহ ০১/০২/২০২২ খ্রিঃ তারিখ রোজ মঙ্গলবার সকাল ৯.০০ ঘটিকা হইতে বিকাল ৪.০০ ঘটিকা পর্যন্ত সমিতির সিনিয়র জেনারেল ম্যানেজারের নিকট লিখিত আবেদন করিতে হইবে। ০২/০২/২০২২ খ্রিঃ তারিখ রোজ বুধবার বিকাল ৪.০০ ঘটিকায় চূড়ান্ত তালিকা বর্ণিত নোটিশ বোর্ড সমূহে প্রকাশ করা হইবে এবং চূড়ান্তভাবে মনোনীত প্রার্থীগণের নিকট বিতরণ করা হইবে।

১৩। গ্রাহক-সদস্যগণ কিভাবে ভোট প্রদান করিবেন :

যে গ্রাহক-সদস্যের নাম চূড়ান্ত ভোটের তালিকায় অন্তর্ভুক্ত হইয়াছে তিনি স্বয়ং নির্বাচন কেন্দ্রে উপস্থিত হইয়া অবশ্যই ঢাকা পল্লী বিদ্যুৎ সমিতি-৩ কর্তৃক প্রদত্ত সদস্য সার্টিফিকেট প্রদর্শন করে নিজ এলাকার কাউন্টার হইতে ব্যালট পেপার সংগ্রহ করতঃ নিজ পছন্দমত প্রার্থীর নামের প্রতীকের পার্শ্বে নির্ধারিত সীল প্রদান পূর্বক ব্যালটটি ভাজ করতঃ ব্যালট বাস্ত্রে ফেলিয়া ভোটদান সম্পন্ন করিবেন। ভোটের তালিকায় নাম থাকিলেও ঢাকা পল্লী বিদ্যুৎ সমিতি-৩ কর্তৃক প্রদত্ত সদস্য সার্টিফিকেট না আনিলে ভোট প্রদান করিতে পারিবেন না।

১৪। সদস্য সার্টিফিকেট হারাইয়া গেলে বা নষ্ট হইয়া গেলে নূতন সার্টিফিকেট ইস্যু করণ :

কোন গ্রাহক-সদস্যের নামে পূর্বে ইস্যুকৃত সদস্য সার্টিফিকেট হারাইয়া গেলে বা নষ্ট হইয়া গেলে আগামী ২৭/০১/২০২২খ্রি তারিখের মধ্যে নির্ধারিত ফি, ২ (দুই) কপি পাসপোর্ট সাইজের রঙিন ছবি ও অন্যান্য প্রয়োজনীয় কাগজ পত্রসহ পবিস এর সদর দপ্তরে সিনিয়র জেনারেল ম্যানেজার বরাবর আবেদন পূর্বক নূতন সদস্য সার্টিফিকেট গ্রহণ করিতে পারিবেন।

১৫। একজন গ্রাহক-সদস্য কয়টি ভোট দিতে পারিবেন :

একজন গ্রাহক-সদস্য এক নামে একাধিক সংযোগ গ্রহণ করিলেও তিনি কোন একটি নির্ধারিত সংযোগের বিপরীতে একটি মাত্র ভোট দিতে পারিবেন।

১৬। অন্যান্য সংস্থার প্রতিনিধি কিভাবে ভোট দিবেন :

পরিচালনা কমিটি দ্বারা পরিচালিত সংস্থা যেমন - শিক্ষা প্রতিষ্ঠান, মসজিদ, মন্দির, আশ্রম বা অন্য কোন প্রতিষ্ঠান এর ব্যবস্থাপনা কর্তৃক মনোনীত প্রতিনিধি সংশ্লিষ্ট প্রতিষ্ঠানের পক্ষ হইতে লিখিত মনোনয়ন পত্র এবং ঢাকা পল্লী বিদ্যুৎ সমিতি-৩ কর্তৃক সংশ্লিষ্ট প্রতিষ্ঠানের নামে ইস্যুকৃত সদস্য সার্টিফিকেট প্রদর্শন সাপেক্ষে ভোট দিতে পারিবেন।

১৭। নির্বাচন অনুষ্ঠান তত্ত্বাবধান, ব্যালট গণনা ও ফলাফল ঘোষণা :

পবিস বাইল আর্টিক্যাল ৮ এর ২ নং ধারা অনুযায়ী বাংলাদেশ পল্লী বিদ্যুতায়ন বোর্ড কর্তৃক গঠিত নির্বাচন কমিশন নির্বাচন অনুষ্ঠানের তত্ত্বাবধান, ব্যালট গণনা ও পরিচালনা এবং বার্ষিক সদস্য সভার দিনে গ্রাহক-সদস্যদের উপস্থিতিতে নির্বাচনের ফলাফল ঘোষণা করিবেন। নির্বাচন সংক্রান্ত বিষয়ে বাংলাদেশ পল্লী বিদ্যুতায়ন বোর্ড কর্তৃক গঠিত নির্বাচন কমিশনের রায় চূড়ান্ত হিসাবে গণ্য হইবে। তবে নির্বাচন সম্পর্কে কোন আপত্তি থাকিলে নির্বাচন সম্পন্ন হইবার ০৩ (তিন) দিনের মধ্যে ঢাকা পল্লী বিদ্যুৎ সমিতি-৩ এর সদর দপ্তর (গেভা, সাভার)-এ উপস্থিত নির্বাচন কমিশনের সদস্যের নিকট প্রার্থী কর্তৃক নির্বাচন কমিশন বরাবরে লিখিত আপত্তি পেশ করিতে হইবে।

১৮। নির্বাচিত পরিচালক কতদিন উক্ত পদে বহাল থাকিবেন :

নির্বাচিত এলাকা পরিচালক, নির্বাচিত ঘোষিত হইবার দিন হইতে কোন কারণবশতঃ পদচ্যুত না হইলে বা যেচ্ছায় পদত্যাগ না করিলে অত্র জাতব্য বিজ্ঞপ্তির ১নং অনুচ্ছেদের ৪নং কলামে (পরিচালকের মেয়াদকাল) বর্ণিত মেয়াদ পর্যন্ত উক্ত পদে বহাল থাকিবেন।

১৯। বার্ষিক সদস্য সভা অনুষ্ঠানের তারিখ :

সমিতি বোর্ডের সিদ্ধান্ত মোতাবেক ০৫/০৩/২০২২ খ্রিঃ তারিখ রোজ শনিবার সকাল ৯.০০ ঘটিকায় সমিতির সদর দপ্তরে ৫ম বার্ষিক সদস্য সভা অনুষ্ঠিত হইবে (অনিবার্য কারণে বার্ষিক সদস্য সভার তারিখ পরিবর্তনযোগ্য)।

২০। পিডিবি/ডেসা এর নিকট হইতে অধিগ্রহণকৃত গ্রাহকগণের ক্ষেত্রে :

যাহারা ইতিপূর্বে পিডিবি/ডেসার গ্রাহক ছিলেন কিন্তু ঢাকা পল্লী বিদ্যুৎ সমিতি-৩ এর সদস্যপদ গ্রহণ করেন নাই এবং যাহাদের নিকট এখনও বকেয়া পাওনা আছে তাহারা আগামী ০৫/১২/২০২১ খ্রিঃ তারিখ রোজ রবিবার মধ্যে পিডিবি / ডেসা / পবিস এর সকল বকেয়া পাওনা (যদি থাকে) পরিশোধ পূর্বক এমনকি অনুমোদিত কিন্তু থাকিলেও সকল অবশিষ্ট কিন্তু একসাথে পরিশোধ করিয়া সদস্যপদের জন্য নির্ধারিত ফিসহ সমিতির সদর দপ্তর বা সংশ্লিষ্ট জোনাল অফিস এ আবেদন করিলে এবং যথাসময়ে সদস্য সনদপত্র লাভ করিলে বিজ্ঞপ্তিতে বর্ণিত অন্যান্য শর্তাবলী পূরণ সাপেক্ষে এলাকা পরিচালক নির্বাচনে অংশগ্রহণ এবং ভোট প্রদান করিতে পারিবেন।

(মোঃ শামীম আকন্দ)
রিটার্নিং অফিসার ও কমিশন প্রধান
ঢাকা পল্লী বিদ্যুৎ সমিতি-৩
এবং
নির্বাহী প্রকৌশলী,
সিস্টেম অপারেশন ওয়ার্কশপ,
বাপবিবোর্ড, ঢাকা।